

Petrus de Vinea

*Ep. V 69 (Cum per
litterarum tuarum tenorem...)*

Basilicata University Press

—

Digital Humanities

Edizioni e data-bases digitali
sotto la direzione di Fulvio Delle Donne

Petrus de Vinea

*Ep. V 69 (Cum per
litterarum tuarum tenorem...)*

settembre 1243-maggio 1247

Capitaneo, ut commendet equum, quem fidelis suus perdiderat in bello.

1. Cum per litterarum tuarum tenorem, quas nostrae excellentiae destinasti, nuper nostra intellexit celsitudo, quod C. de..., fidelis noster, qui tecum paratus equis et armis pro nostris seruitiis dudum extitit et adhuc fideliter commoratur, dum ipse contra Viterbienses, rebelles nostros, manu armata insisteret, ob impugnationem ipsorum rebellium quidam suus dextrarius fuerit interfectus. 2. Super dampnificatione ipsius C., fidelis nostri, prouidere uolentes, ut animosius ad nostra seruitia eius fidelitas erigatur, tuae fidelitati precipiendo mandamus, quatenus de prouentibus curiae nostrae, qui sunt uel erunt per manus tuas, diligenter, ut conuenit, quesito de ipsius equi ualore, eidem C. dextrarium ipsum, iuxta ualorem ipsius, ex diligenti inquisitione inuentum, subueniri procures.